



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De deuotis exercitijs eius. XIII.

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

pusculum reconditum est in cœmeterio apud sanctum Lebunū, ubi & plures fratres post eum defuncti, in pace Christi requiescunt, per Christum in nouissimo die cum fidelibus cunctis resuscitandi. Sit laus & gloria Christo, de tam deuoto viro & humili coco; qui breui annorum curriculo & labore exiguo, sortitus est (vt piè credimus) maxima præmia in cœlo. De quo venerabilis pater dominus Ioannes Hueden prior in Wyndesem dignum testimonium reddidit, dicens: Vtinam cum tali viro, & in tali statu, mori mihi contigisset.

Deuotum exercitium eiusdem fratris Ioannis.

16 **Q**uid retribuam tibi Deus æterne, pro omnibus quæ retribuisti mihi? O dilecte Ioannes miserere tui ipsius, & pensa cum magna diligentia & omnibus viribus tuis præteritam vitam tuam; quid fuisti in sæculo, quid adhuc es, & quid promeruisti, Cogita inæstimabilem bonitatem dilecti Domini Iesu Christi, quam tibi vltra tam multos homines exhibuit; pensa quàm grauius vltra alios te indicabit, si te non emendaueris. Sta in timore, & cogita quòd ille, qui tam benignè tibi pepercit, forsitan diutius parcere nolit.

17. Pone in corde tuo, quòd hodie vel vt longissimè cras sis moriturus, & quorsum perges? Væ mihi Deus æterne, quòd fugiā à facie iræ tuæ, quia peccata mea existunt super arenam maris? Veruntamen scio verissimè, quòd nihil ita tibi displicet sicut desperare, & quòd non vis mortem peccatoris, sed pœnitentiam. Dic ergò ad eum, in gemitu cordis tui: Aspice in me miserum peccatorem, immensa pietas Dei; cōuertete ad me iniquum hominem, patens misericordia. Ecce ego desolatus, venio ad omnipotentem; vulneratus, curro ad medicum: Serua solitam pietatē tuam, qui tam diu gladium vindictæ suspendisti. Dele numerum iniquitatum mearum, multitudine miserationum tuarum. Multa alia potes etiam cogitare de misericordia Dei, sicut de Dauid, de sancto Petro & S. Paulo, de Maria Magdalena, & publicanis & alijs multis peccatoribus: prout manifestè in tota vita Christi patet, quàm misericors extitit erga pœnitentes, qui ad eum accesserunt: In quibus non ponderauit, quam multum peccauerunt, sed quantum amauerunt.

18. Quapropter, si ad istam dilectionem debeam peruenire, tunc summè mihi necessarium est, quòd respiciam fragilitatem meam; & quòd in veritate sentiam, quòd ex meipso nihil boni possum: atque incessanter præ oculis habeā magnitudinē Dei, & fidelitatem eius: & mei ipsius paruitatē & infidelitatem ad ipsum, in quibus multa consideranda sunt. Nam si rectè hæc attendo,

perducent me ad subiectionem omnium hominum, & ad meipsum contemptum, ita ut etiam desiderem contemni. Sed istud oportet veraciter sedula cogitatione exerceri, sepius inuocando Dominum, à quo utique venire oportebit. Si igitur ad istam humilitatem & ad hanc dilectionem debeam peruenire, necessarium est mihi, ut habeam quotidianum exercitium & regulam, quae me ad ista perducant. Ita quae secundum dicta Sanctorum, necessarium mihi est praeterita peccata mea aspicere, & ea ante oculos semper habere, & multum niti ea ponderare. Et istud valde suppresserit me & humiliabit, & defectus fratrum meorum ac aliorum hominum non magnipendam, nec leuiter iudicabo, sed cum compassione ad meliora traham. Et hoc expedit mihi, ut pro isto laborem, & caueam aliorum facta vel verba curiosè inuestigare: & utique fugiam detractionem, & si audiero quid nitar excusare, & seorsum ponere & abicere. Multum etià me iuuabit, quòd considerem virtutes fratrum meorum, de quibus existimo, quòd maior pars nunquam mortale commisit: & è contrario recenseam magnitudinem peccatorum meorum: atque ita iuueniam, quòd non sum dignus inter eos conuersari, nec ipsis seruire, sed habeam eos in reuerentia, & sperem quòd per bona opera eorum & orationes perueniam ad vitam aeternam.

19. Est etiam mihi necessarium, quòd omni tempore praesentis habeam Dei praesentiam, & quotidie nitar ab intra aliquid boni cogitare in opere meo: & singulariter sequi cupiam illud dignissimum speculum, vitam Domini nostri Iesu Christi, eius humilitatem, eius pietatem, eius patientiam, eius despectionem & paupertatem, & specialiter eius charitatem: & multum nitar vnumquemque hominum, sicut Dei imaginem aspicere, & omnia opera mea sic traham, quasi Christo faciam: & istud multum alleuiabit opus meum, & beneuolum me singulis praebit. Conabor etià, ut orationem meam attente & sine festinantia legam, & frequenter in labore & opere meo, genua mea flectam, & modicum breuiter cum attentione orem. Omni mane tertia hora audiens campanam, surgere debes absque mora, & statim aliquid boni cogitare cum gratiarum actione de misericordia Dei & de tua miseria, & quòd Deus ibidem praesens sit, & Angeli & Sancti: & aduerte quid legis, & ad quem loqueris. Flecte genua, vel sede honestè sine acedia & reclinacione ad vnum vel alterum latus: & ita semper ages, dum oras. Finitis matutinis vel primis, lege sacram Scripturam: & si opere deprimeris, modicum ex studio tuo scribe. Quinta hora signata, pertracta, si aliquid agere habes in coquina, si nihil ibi agendum putas, claude coquinam, & liga libros: aut si aliquid aliud tibi commissum est, hoc age, donec tempus sit intrandi

coquinam. Dum compulſatur ad miſſam, incipe legere tertiam flexis genibus in domo uſque ad pſalmos, & lege conſequenter in via eundo ad eccleſiam, quod reſtat.

20. In eccleſia ſedeas rectè ſuper genua tua per totam miſſam in aliquo angulo, & cogita de vita & paſſione dilecti Domini noſtri Ieſu Chriſti ſecundum conſuetudinem tuam. Finita miſſa incipe ſextam legere in eccleſia uſque ad pſalmos: deinde reliqua eũdo per uiam. Cũ de eccleſia reuerſus fueris in coquinam, ora primò modicum, & propone in corde tuo qualiter te uelis habere per diem, & in quibus punctis tibi neceſſarium eſt te emendare, & ad hoc fortiter conare, habendo præ oculis, ut prædictum eſt, illud diuinum ſpeculum uitæ & morum dilecti Domini noſtri Ieſu Chriſti, & quòd ipſi miniſtras, & non hominibus. Inter laborè & opus tuum, debes ſæpe breuiter orare flexis genibus cum attentione, & ſpecialiter ad ſignum campanæ, & quando in eccleſia pulſatur ad elevationem ſacri corporis Domini Ieſu Chriſti. Coge te ſæpius aliquid boni cogitare inter laborem tuum, uidelicet de beneficijs Dei, de regno cœlorum, de iudicio, de morte, & quando aliquis pulſat ante coquinam, ut des reſponſum bonũ. Et ſi habes tempus, ſtude parũ in excerpto tuo.

21. Quemcunque de fratribus in domo, aut extra domum uideris, illum aſpice tanquam Chriſtum; & præcipue illos, qui curã domus gerunt. Et ſi aliquid à te deſiderant, hoc læta facie citiùs age. Antequam incipias comedere, lege Benedicite: & aliquid boni inter prandium ſtudeas legere vel meditari: & caueas ne nimis feſtinanter edas, & à delicato cibo pel potu: nec ſis diutiùs quàm fratres in menſa, & citò ſurge cum aliquis inter prandium pulſat, qui menſæ miniſtrat. Facto prandio, debes lectori de calido cibo prouidere, & ſicut fratres habuerunt. Et interim lege gratias, & reſidua cibaria repone, & uafa coquinæ ſingula ad loca ſua quanto citiùs uales. Cũ ueneris ad Cameram prandio completo, ſtatim lege nonam, ac deinde fac opera, & labora uſque ad ſecundum pulſum ueſperarum apud fratres minores, niſi aliquid aliud habueris agendum in domo vel foris, & tunc lege ueſperas tuas. Et ſi amplius de tempore habes, cogita vel ſtude aliquid boni, uſque dum quarta hora ſignata ſit, & tunc intrabis coquinam parando fratribus cœnam. Cœna autem facta pertractabis de craſtino die, quid tunc infirmi & fratres comedere debeant, & cum res in coquina diſpoſitæ fuerint, tunc uade ad cameram, & lege completorium tuum, & poſtea potes ſtudere & aliquid boni agere, donec octaua hora ſignetur.

22. Poſt octauam horã debes ſcribere defectus tuos, & cogitare aliquid boni de materia ſancta, & orare aliquid cũ inuoca-

tionem Sanctorum, & cum istis ire dormitum circa horam nonam, & niti cum sanctis meditationibus obdormire. Et dum experiretus fueris, cogita statim de materia deuota, cum quibus iterum dormire queas. Ante omnia ista debeo præponere obedientiam, ita vt quicquid rectores domus iusserint, vel aliter contuluerint, quam ego concepì, statim in illis me relinquere volo, & citò facere quod ipsi desiderant, & niti nullam rem nec vllum opus cum inordinatò amore possidere, & sic facilius me relinquam. Debeo etiam niti, vt habeam eos in reuerètia & honore, qui sunt custodes & procuratores domus, & multum præcauere, ne vllam durã cogitationem neque suspicionem super eos acquiritam: sed piè & simpliciter facere quod volunt, sine iudicando & perseruando, quare hoc vel illud mandent: & habere vtique præ oculis meam simplicitatem, & quod non sum sapiens, & eorù sapientiam magnam reputare. Et vtique ante oculos tenere, quòd meipsù eis resignaui in loco Dei, & meipsius non sũ, ad quod tamè meipsum ex voto non obligauì, sed ex libera meraq; voluntate & proposito: quia spero, quòd mihi salubre sit taliter stare, & non facere secundum meum videre & velle. Et idcirco volo cogitare mecũ, propter quid, & multum eos rogare, vt velint me deprimere.

23. Insuper debeo niti, vt in omnibus operibus meis, ac verbis, & cogitationibus, Deum plus timeam quàm homines: vt quicquid facio, hoc purè sit ad honorem Dei, & ad ipsi soli placendũ. Et in quacunque re excedo, vt in illa Deum plus formidè offendere, quàm homines. Et vtique me custodiam, à iactantia & appetitu ostentationis & laudis coram hominibus. Sed & multũ nitar ad silendum, quòd me notabiliter iuuabit ad multa. Et quòd loquar cum prouidentia. Et interdum legam vnum Ave Maria antequam loquar vel respondeam, nec res magis dicam, quàm sint, & caueam dissolutionem & multa verba & sonorosa, specialiter in coquina, & alios de istis studeam admonere, qui horum quicquam fecerint. Et multum niti esse solus vbicumque possũ, & introsum armatus, & quòd vtique nunquam sim ociosus, & caueam detractionem loqui vel audire. In officio tibi cõmissio eris diligens ad custodiendũ res bene exterius & in hoc sis obediens, atque vnicuique benignus appareas, specialiter cibos infirmorũ procurando, & maxime domini Florèrij, qui penè quotidie debilis est & infirmus. Vt omnibus hospitibus sim beneuolus, recipiẽdo eos tanquam Christũ: sed non multũ cũ eis loquẽdo. Et vt respiciam bene ad pauperes, & in his tantum agã, quantũ mihi est commissum pro posse meo: ita vt habeam eos in reuerètia, & exhibeam eis benignitatem: & res mihi commissas, bene custodiã.

24. Quãdo foras exeo pro negotio, vt tunc nitar oculos meos
bene

bene custodire, & aliquid boni legere vel cogitare in platea; & quanto citius possum domum reuertendo. Sæpe etiam nitari reuelare tentationes meas, & ad minus inter octo dies, vni de defectibus meis conqueri, & remedium inde accipere, & nisi me semper reum dare, & contra nullum arguere. Et si aliquid frango vel negligo, pro illo volo libenter veniam petere. Volo etiam cauere à multa p̄gustatione cibi sine necessitate, & à potatione extra tēpus prandij sine licētia superiorum, & vt non faciam aliquid post tergum eorum, quod non auderem facere in eorum præsentiā. Multum etiam debeo nisi omnia despectiua & humilia opera facere, & Matthiam & Ioannem fratres nostros inde reuelare vbiunq; possum, & habere eos in reuerētia, & ostēdere me beneuolum ad eos, & promptū ad omne humile opus coadiuuandū.

25. Caneo mihi, quod non percipiatur à me querimonia de vestibus, de cibis, aut his similibus: sed potius nitari sentire, quod non sum dignus istis, quibus indigeo. Debeo etiam nisi studere libris, qui me ad ista adiuuent, & totum studium meum ad ista trahere: & nisi moderatē me habere in cundo, stando, sedendo, & in consimilibus. Est etiam mihi vtile, vt magna reputem exercitia domus istius, super omnes alias domos: & vt habeam magnum affectum, in opere meo in coquina; & magnum propositū in hoc statu mori, & pro nulla re mihi aduentura, ab isto velle separari, salua semper obedientia. Et vt in hoc magnam habeam fiduciam, ad amantissimum Dominum nostrum, quod omnia peccata mea velit cum isto indulgere mihi: & de omni opere quam uincunque paruo, speciale præmium largiri. Et licet multa alia bona opera sint, quæ maiora & sanctiora sunt, quod tamen propterea non discedam ab opere meo, sed firmiter maneam super hoc, & confidam, quod mihi nullum opus salubrius nec vtilius est, quam hoc, ad quod me Dominus vocauit. Insuper volo omni die post octauam horam me examinare, in omni huiusmodi modo, & videre, in quo amplius excessi, & spero fortiter proponere, de cætero in hoc me vtiq; emendare.

V I T A

ARNOLDI SCHOONHOVEN

(ID EST BELLÆ CVRIÆ)

DEVOTI CLERICI.

1 CVM Dauentriensis ecclesia reuerendi patris domini Florētij floreret præsentiā, & multi de diuersis partibus scholares Daenariam intrarent propter doctrinæ studium, venit illuc quidam de finibus Hollandiæ bonæ naturæ iuuenis, expertus malitiæ

§ § §

secu-